



ЯМДЕ ЛИЙ

1933 ий 1 февраль годсек лектеш.

0+

Кидыштыже курчак «илана»



А.РОМАНОВ фотожо.

Маша уныкажланат Роза Степановна теве тыгай сылне тувырым урген – «илыше курчак». Тудо коважын корныжым тошка: марий мурым мура, марий сем почеш тавалтенат колта. Ушан ўдыр кушкеш: интеллектуал карточкым пога, пазл дене ятыр жап шинчылтеш, книгаг йѳрата. Тўнжѳ – марий шўлышан!

ЛОТЕРЕЙ

Велосипедым модын налнет?

Тугеже почтыш вашке. «Ямде лий» газетлан подпискым ыште да квитанцийжым але копийжым мыланна колто.

Редакцийын адресше: 424000, Йошкар-Ола, Набережный Амстердам, 1-ше номеран пѳрт.

Лотерейын учредительже – «Ший памаш» сылнымут фонд.
Вуйлатыше – В.В.Краснов.



Фотографийыште ныл ияш Маша курчак-влак коклаште шкежат курчакла койын шога. Олыкмарий, курыкмарий, эрвелмарий вургеман курчак-влакым У Торъял район Чўксола ял гыч Р.С.Глушкова (**снимкыште**) кельштарат. Тыгай шонымаш кузе шочын? Роза Степановнан куд икшывыже уло: ныл ўдыр да кок йыгыр рвезе. Чылан кушкыныт да тўрлѳ кундемыште илат. А йоча-влакын изишт годсо курчак-влак кодыныт. Марий тувыран модыш-влак гоч сочшо-влакым шарналташ – моткоч сай йѳн. Эрге курчак лийын огыл. Йыгыр-влак гай койшо курчакым Йошкар-Олаште муыныт да Роза Степановналан сочмо кечыжлан пѳлекленыт. Шонымаш шукталтын! Тачысе кечын 30 наре модыш курчак погынен. Лишыл жапыште урал, чуваш да моло тўрлѳ марий вургеман курчак-влакым сочыкташ шона. Курчак-влак мастарын кидыштыже, чынжымак, пуйто «иланат». Налаш кумылан-влак улыт гынат, огеш ужале. Тиде еш реликвий, курымашлык шарнымаш. Роза Степановна марий вургем гоч марий калыкын поян тўвыражым ончыктынеже. Тылеч посна гармонь дене шокта, мура, кушта. Концертлаште мастарлыкшым ончыкта. «Марий вургем унала ўжеш» конкурсышто лауреат лўмым сулен.

Х.АЛЕКСАНДРОВА.

Сенгымашым тыланена!



Д.РЕЧКИНЫҢ фотожо.

Марий Элын сборной командыштыже – 51 ег: 14-18 ияш 39 спортсмен, 11 тренер да 1 польшкалыше.

Нине спортсмен-влак Марий Элын чапшым Инвалид-влакын III всероссийский кенез спартакиадыштышт аралат. Нуно спортын ныл видше: куштылго атлетике, иймаш, ўстембал теннис, дзюдо – дене танасымашке ушат. Спартакиаде Йошкар-Олаште 12 июльышто

тўнгалын да 20 июль марте шуйна. Спартакиадым торжественно почмаш 14 июльышто лиеш.

Марий Эл Вуйлатыше А.А.Евстифеев спартакиаде деч ончыч республикын сборной командыже дене вашлийын (снимкыште). Спортсмен-влаклан сенгымашым, пиалын да личный рекордым тыланен.

Л.ГРИГОРЬЕВА.

НАЦПРОЕКТ:

«Культура»

национальный проект почеш Марий Элыште «Цифровая культура» направлений дене паша шындаралтеш. 2019 ий январьыште Э.Сапаев лўмеш Марий академический опер да балет театрыште икымше виртуальный залым почмо. Тыгай паша районлаштат кая. Козьмодемьянск олесе Я.Эшпай лўмеш калык тўвыра рўдер 5 млн. 600 тўжем тенге грантым сенен налын. С.Г.Чавайн лўмеш калыкле книгагудо тиде программе почеш 2024 ий марте 60 книга электрон вариантыш кусара. Кызытеш электрон йўн дене Несторын «Библиотека российская историческая, содержащая древние летописи» книгажым лудаш лиеш.

Н.СЕМЕНОВА.

Историйым шергалына

«Великая война» (1409-1411) годым 1410 ий 15 июльышто Грюнвальдский кредалмаш лийын. Руш войска да тудын союзникше-шамыч немич рыцарь-влакым кырен шалатенят.

1770 ий 18 июльышто Пётр Александрович Румянцевын вуйлатыме руш армий турко войскам Ларга энер воктене сенен. Румянцев кредалмаште у тактикым кучылтын. Тушманын 33 орудийжым руалтенят, ятыр салтакым пленыш налыныт. Тиде сенгымашлан П.А.Румянцев Шнуй Георгийын I степенян орденже дене палемдалтын.

Еш, йўратымаш да ўшанле улмо кечылан пўлеклалтше пайрем Йошкар-Олаште Патриарший площадыште эртаралтын. Йошкар-Оласе «Сатурн», «Шонанпыл», «Эврика» йоча клуб-влак икшыवेशамычлан тўрлў онай модышышым ямдыленят. Робототехникым, моделированийым йўратыше-влаклан площадке пашам ыштен. Йоча-влак квест модышышто «Семья» мутым погеныт.

Е.ИВАНОВА.



Авторын фотожо.

«Идалыкын ешыже» всероссийский конкурсышто сенгыше еш-влакым саламленят. 25 ий деч шуко пырля илыше ешлан «За любовь и верность» медальым кучыктенят.



«Сириус» образовательный рўдер 8-11-ше класслаш вончышо йоча-влакым «Литературное творчество» программе почеш тунемаш ўжеш, а 9-11-ше класслаше ўдыр-рвезе-влакым – химий дене. Тўрыс уверым sochisirius.ru сайтыште ончыза.



27 июльышто «Бендериада» сатир да юмор фестиваль Козьмодемьянск олаште коло визымше гана эртаралтеш. Икымше гана тыгай фестиваль 1995 ий 7 августышто лийын. 1996 ийыште Козьмодемьянскыште Остап Бендерын тоштержым почмо.



23-31 июльышто Самара кундемшыште «iВолга 2.0» самырык-влак форум шымше гана эртаралтеш. Тушко Юл кундем федерал округын 14 регионжо гыч кок тўжем наре ўдыр-рвезе погынат. Марий Эл гыч 84 ег кая. Кажныже шке проектше дене палымым ышта.

Эртыше рушар-
нян, 7 июльышто,
Килемар район Арде
кундемыште «Кугезе
мланде» регион-влак
кокласе фольклор да
этнографий фести-
валь латкокымшо гана
эртаралтын.



НАЦПРОЕКТ: Усталык кукшын аклалтеш

Россий Президент В.В.Пу-
тинын увертарыме «Культура»
национальный проект дене кел-
шышын, Марий Элыште
«Творческие люди» проект илы-
шыш шындалатеш. Тидын нер-
ген Марий Эл Республикысе
тұвыра, печать да калык-влак
пашашт шотышто министр
К.А.Иванов Национальный
президент сымыктыш школышто
брифингым эртарен. Тиде
проект почеш республикыште
Всемарийский йоча хорым,
Всемарийский йоча духовой
оркестрым, Всемарийский йоча
симфонический оркестрым
чумырымо. Нине усталык кол-
лективлашке тўжем утла йоча
ден И.С.Палантай лўмеш тұвы-
ра да сымыктыш колледжын
студентше-влакым ушымо.
Палемдыман, Всемарийский
йоча духовой оркестрын самы-
рык музыкантше-влак «Артек»
тўнямбал йоча рўдерыште эрта-
ралтше «Серебряные трубы
Черноморья» фестивальыште
лийыныт. 1-12 июньышто
Национальный президент сы-
мыктыш школ пелен республи-
кысе 300 утла уста йочалан
Творческий мастерской эрта-
ралтын. Республикысе йоча
театр коллектив-влак «Тео-
ральная юность Марий Эл»
фестивальыште кўкшў лекты-
шым ончыктеныт. Тений про-
фессиональный балетный школ
20 ияш лўмгечыжым палемда.

Марий Элыште «Культура»
нацпроект почеш ятыр паша
ышталтын, но ончыкылыклан
эше моткоч шуко сомыл да
шонымаш-влак улыт. Иктыже –
4 ноябрьыште Всемарийский
йоча калык семўзгар оркестрын
презентацийже.

Л.ГРИГОРЬЕВА.

«Кугезе мландын» поянлыкше

Фестивальыште Марий Эл,
Башкортостан, Татарстан,
Чуваш республикла,
Угарман, Виче кунделла гыч
33 фольклор коллектив
усталыкшым ончыктен.

Кугыен ден йоча-влак
спорт тагасымашлаште вий-
куатыштым тергеныт, калык
модышла дене палыме лийы-
ныт, шун дене ненчыме, пум
пўчкелдыме мастарлыклан
тунемыныт, муреныт, куште-
ныт. Кидмастар-влак шке
пашашт дене палымым
ыштеныт.

Ожнысо илышым ушешта-

рыше
декораций, экспозиций-влак
Килемар районышто илыше
калыкын илыш йўлажым,
тўвыражым, историйжым
шарныктареныт. Мутлан,
ялысе марий пўртыш пураш,
ожнысо школ парт коклаште
шинчен ончаш але партий
райком секретарын каби-
нетшым ончалаш йўн лийын.

Кугезе тукумын эртыме
корныжым шарнымаш,
тудым аралымаш да самы-
рык тукумлан палдарымаш –
эн кугу поянлык да вий.

Л.НИКОЛАЕВА.

Книгагудышто вучат

Пўртўс
тўрлў иге-
чым мыланна
пўлекла.

Туге гынат
Руэм селасе
книгагудыш-
то йоча-влак
кажне
кечын вучат.

Каникул
жаплан у
книга ончерым чумыреныт.
Тудым «Каникулым йўраты-
ме книга дене» манын лўм-
деныт. Валерия Чемешева,
Ралиль Хисматуллин, Вова
Кислицын, Иван Макаров
(снимкыште) келшыше кни-
гам ойыреныт. Кенже
жапыште тиде книга ончер
дене эше ятыр йоча пайда-
лана манын ўшаныме шуэш.

Л.Г.ИВАНОВА.

Медведево район.



Шочмо вер

Мый ўлыл Кожлаялыште шочынам. Тораштак
огыл – Кўшыл Кожлаял. Шочмо ялыштем памаш
уло. Тудо яндар, тамле, йўштў вўдшў дене калы-
кым куандара. Памаш йыр мотор пушентге-влак
кушкыт: ош куэ сылне ўдыр гай веле коеш, тумы-
жо – чылт вяян пўрўен. Ял шенгелне пасу
ларен возын. Туштак – тамле пушан, тўрлў сылне
пеледышан олык. Чылажат тышеч тўналеш.

Полина ПЕТУХОВА.

У Торьял район.





ТУКЫМ УЛЫНА

Сылнын лудеш

Советский район Ёшнур школын тунемшыже Тая Куклина (**снимкыште**) «Колумб лудмашке» икымше гана ушнен. Конкурсышто В.Колумбын «Молан түрлө йүр йүреш?» почеламутшым йонгалтарыш да сенгыше-влак радамыш лекте. Нылымше классыш веле вончен гынат, сценыште нимыняр огеш вожыл, огеш лүд – сценыште артист лудеш, шонет. Тений Кодам школышто эртаралтше В.Рожкин лүмеш конкурсышто С.Вишневскийын «Марий Эл» почеламутшо дене икымше верыш лектын. «Марий элем мотор, эн сыне. Тыгай уке вер нигуштат», – шарналтыш почеламут корнылам уста ўдыр. Тыгак С.А.Петухован вуйлатыме хорышкыжо коштеш. Яра жапыште марла лудаш йөрата, поснак Валентин Колумбын почеламутшо-влак келшат. Класс вуйлатышыже Т.И.Иванова йоча-влаклан изинек марий шўлышым шындара.

Х.АЛЕКСАНДРОВА.

«Книгагудо» да йоча плошадке, декоративно-прикладной, ИЗО, фототворчестве выставке, мастер-класс-влак йоча-влаклан жапыштым веселан эртараш йўным ыштеныт. Сенгыше-влакым I, II, III степенян диплом дене палемденыт да шарнымашан пўлекым кучыктеныт.



Е.ИВАНОВА фотожо.

Жюрин енге-влак конкурсант-влакым 3 номинацийыште акленыт: 1. Литератур (В.Колумбын марла да моло йылмылаш кусарыме сылнымутшым, вес поэт-влакын В.Колумб нерген почеламутыштым, шке возымо сылнымут саскам лудмаш). 2. Йўкын лудмаш (12-16, 16-20 ияш ўдыр-рвезе-влак коклаште темлыме текстым ямдылалтде, наизусть тунемде лудмаш). 3. Муро (В.Колумбын мутшылан кельштарыме да авторский).

Изи артист

Даниил Романов Волжский район Карай школын икымше классшым тунем пытарен. Мотор марий тувыран рвезе дене Морко район Унчо селаште палыме лийым. Даниил «Колумб лудмашке» икымше гана

толын. «Изишак тургыжланем», – каласыш марий рвезе. Сценышке лекмекше, лўдыжў йўршын йомо, чылт артистыш савырыныш. Тудо икымше вер дене палемдалте. «Эн чот басным лудаш йўратем. Тушто герой-влакын образышкышт пураш куштылгырак, шонем», – оила Даниил.



Авторын фотожо.

Почеламутым сылнын лудаш аваже Е.В.Васильева кумыланга. Тудо Карай школышто тўналтыш классым туныкта.

Е.ИВАНОВА.



Фотожо архив гыч налме.

Туныктышым куандаренна

Кугурак йолташем дене «Колумб лудмаш» конкурсышто шке мастарлыкнам тергенна. Мый В.Колумбын «Йўд кушто ила?» сылнымутшым, а Маша финн йылмыш кусарыме «Мыйын лу илышем лиеш ыле гын...» почеламутшым лудынна. Калык моткоч шуко погынен. Мый изиш өрмалгенат колтенам. Вет тынар ег ончылно икымше гана лийынам. Почеламутым лудын пытарымеке, жюрин акшым чон вургыж вученна. Туныктышынам 1-ше да 2-шо верла дене куандаренна.

Анна ВИНОГорова.

Звенигово, Красногорский.

Мотор пүртүс

Ош кагазым кидыш налын,
Шем ручка ден сүретлен,
Яндар южыш

лектын шинчын,
Колдышаш изиш серен.
Вүд воктеке миен толын,
Чон ласкалыкым шижат.
Чодыра велке

савырналын,
Тамле пушым шергалат.
А пасу лонгаште – лыве,
Мүкш, пачемыш да молат.
Йывыртале теве кече,
Пыллан ок пу верымат.
Түрлө кайык вуй үмбалне
Кажне кечын муралтат.
Пөрт леведышын йымалне
Вараксим, мотор, шинча.
Шып да тымык

кече годым
Кас юалге ден шинчет.
Да чодыресе сылне мурым
Пешак туткын колыштнет.

Ирина ПЕТРОВА.
Морко, Коркатово.



Ме кугешнен ойлена: «Ме марий улына!»

«Марий самырык тукум» слёт тений 11-ше гана самырык-влакым поген. Тудо 8 июль гыч 14 июль марте Финн-угор тунян рүдыверже Морко район Унчо селаште эртаралтеш. Кундемнан түрлө районжо гыч, Башкортостан, Татарстан республикла, Санкт-Петербург ола да Пермь кундем гыч 100 угла участник түрлө тренингышке, мастер-классышке ушна. Марий йылмым, тывырам аралыме нерген проектшт дене палдарат. М.Шкетан дүмеш Марий национальный драме театрын артистше-влак Я.Майоров-Шкетанын «Ачийжат-авийжат» пьесыж почеш шындыме спектакльым кава йымалне ончыктеныт. Самырык тукум кумалтыш кузе эртаралтым пален налын. А таче самырык-влаклан келшыше «Open-air» фестиваль лиеш. Тушто финн-угор тунян түрлө кундемже гыч толшо группо-влак мурым мурат да семүзгар дене шоктат.

Н.СЕМЕНОВА.



Күдырчан йүр

Пүртүсыштө могай гына вашталтыш ок лий!
Иктыже – күдырчан йүр. Күдырчан йүр толмым ончылгоч шижаш лиеш. Каваште шем пыл вужга кўпчыкла коеш, тыгодымак писе мардеж пуракым нөлтен пуалеш. Мардежше тугай тале, пуйто ала-мом сўмырал шуынеже. Чодыраште пушенге-влакын укшлажым тодыштеш, олыкышто шудым лап пышта. Тыгодым кава тўрыштө волгенче йылт-йолт коеш, күдырчө кылде-голдо йўкым луктеш. Тыгай сўретым ужмеке, чонлан шучкын чучеш. Йўржө талын, шинчам почаш лийдымын опталеш. Урем покшелне вўдшор тўналеш, коремышке гўжлен чымалтеш.

Южгунамже шолем толын кертеш, тыгодым пакчасаскалан чот чытыман.

Диана АЛЕКСАНДРОВА.
Морко, Эгерсола.

Ме ешыште нылытын улына: авам, ачам, акам да мый. Авам Усола ялыште кевыт-чылан пашам ышта. Тудлан тиде паша моткоч келша, но южгунам пелйүд марте тушто лияшыже логалеш. Ачам Озангышке але Моско олашке пörтым чонаш коштеш. Акам Йошкар-Оласе Торгово-технологический колледжыште технологлан тунемеш. Мый 7-ше классышке вонченам.

Валерия ПЕТРОВСКАЯ.
Морко, Купсола.

Мыйын ешем

Чонем шупшеш

Мый Кужәнер район Чашкаялыште шочын-кушкынам.

Центральный уремыште илем. Тыште памаш уло, тудын вўдшө йўштө, но тамле да яндар. Ял калык памашыш вўдлан да вургемым шўалташ коштеш. Ял воктенысе чодыраште рывыж, маска, ур, меран илат.

Ял калык пайрем-влакым эртараш йөрата, чылан мурат, куштат. Шочмо ялем пеш пагалем. Тораште лиймем годым тушко чонем шупшеш.

Элина АЗЕЕВА.
Национальный президент школ-интернат.



Василиса САМУТКИНА.
Татарстан, Агрыз, Пелемеш.

Каждне еглан Юмо могай-гынат мастарлыкым пӧлекла. Звенигово район Ёлыл Памъял гыч Татьяна Батаева (**снимкыште**) сайын сӱретла. Ныл ий верысе школышто, вара Йошкар-Оласе национальный президент школ-интернатыште вич ий сӱретчылан тунемын. Умбажыке Йошкар-Оласе художественный училищыште шинчымашым поген. Специальностьшо дене – дизайнер-преподаватель. Молан тиде корным ойырен? Йоча жапшым шарналтен, Татьяна тыгерак каласыш:

– Тӱналтыш школышто тунемем годым авам мыланна эре чиялташ сӱретлыман книга-влакым налеш ыле. А мый моло-влак семын чиялташ йӱратен омыл, садлан, сӱрет-влакым ончен, альбомыш сӱретленам. Авам 4-ше класс деч вара Йошкар-Оласе национальный президент школ-интернатыш тунемаш пураш ой-канашым пуэн. Мый тореш лийын омыл. Школьш акам (кӱслезылан) дене пырля тунемаш толынна ыле. Тунемаш моткоч келшен. Акам эре пеленем лийын. Мӱнгат кайыме шуын омыл.

Самырык сӱретчылан Елена


Юнусован шукерте омыл савыкталтше «Кугезе компьютер» книгажым сӱрастараш пиал шыргыжалын. Эн ончыч Татьяналан лӱдмашан лийын, вет тиде кугу ответственность. Мом да кузе сӱретлыме нерген шонен коштын.

Чиялтен омыл – сӱретлен

Но, лудын лекмежыке, книга моткоч онайла чучын, да сӱрет-влак шинча ончылно шке шочыныт.

Кызыт ӱдыр Звенигово районысо Кужмара йоча сымыктыш школышто икшыве-влакым сӱретлаш тунекта. Яра жапыште портрет-влакым воза. Йодшо-влак лийыт гын, пырдыжымат сӱрастараш.


– Тунектышем-влак Роза Васильевна Максимовалан, Ольга Васильевна Константиновалан, Светлана Юрьевна Николаевалан, Лариса Михайловна Новиковалан, Юрий Михайлович Морозовлан кугу таум каласем. Юрий Михай-



лович дек канyme жапыштат коштам ыле. Кузе карандашым чын кучаш, штриховкым ышташ – чыла туддеч тунемынам. Ала-може дене кочамым ушештарен. Алла Алексеевна Орлова ден Алена Алексеевна Ямбарцева тӱрлаш тунектеныт. Марина Михайловна Ширманова декоративное оформление предметым вӱден. Училищыштат тунектышем-влак ятыр лийыныт. Чылалан кугу таум ойлем да вuem савем, – мучашлан каласыш самырык сӱретче.

Х.АЛЕКСАНДРОВА.

Сӱретлена



«Салика» спектакльым 1946 ий 7 апрельште 100-шӧ гана, 1951 ий 8 апрельште 200-шӧ гана, 1956 ий 12 февральште 300-шӧ гана, 1978 ий 23 мартыште, драматурглан 70 ий темме кечын, 700-шӧ гана модыныт. 2019 ийыште «Саликам» мынярымше гана сценыш луктыныт?

Театрыш коштса!

«Театр» шомакым колмеке, кажне егн шинча ончылножо тӱрлӧ сӱретым сӱретла. Мыйын шоньмаште, театр – тыглай пӧрт, кушто драматургын произведенийже почеш спектакльым модын ончыктат. Южгунам книгаг икмыняр кече дене лудат, а театрыште тидымак ик-кок шагат жапыште ончаш лиеш. Молан миен толаш омыл?! Театр герой-влакын могай улмыштым да произведенийым у шинча дене ончалаш йӱным ышта. Театрыш уло кумылын коштам ыле, ял гыч олаш шумеш толаш жап кӱлеш. Районышко толмышт годым эре ончаш каяш тыршем. Тачысе кечын шагалын театрыш коштыт.

Шукышт телефонышто кино, тӱрлӧ видеом ончат. Но тиде театрысе гай кужу жаплан шарналт ок код. Йоча-влак, коштса театрыш! Ӱжам!

Юля УСОВА.

Марий Турек посёлко.



Футболла модына

Ме йолташ-влак дене кенезым моткоч вученна – пычкемыш марте модаш лиеш. Жапнам пайдалын эртарена: футболла, баскетболла модына. Футболла модмо годым мый шукуж годым защитыште шогем, южгунам капкам оролем. Баскетбол утларак келша. Школыштат класс дене икымше верым налынна ыле. Ача-ава-лан, коча-ковалан, ака-изалан пашам ышташ полшаш мондыман огыл.

Надя ВОЛКОВА.

Шернур, Лажъял.



14 июль – Колызын кечыже.

Икгай кок мечым кычал.

Мый яра жапыште колым кучаш коштам. Шошым нужголым кученам, а кызыт оланге ден шеренгым кучем. Мӱнгӱ кондымеке, ковам эрыкта да мемнам тамле кол шӱрым шолтен пукша.

Эльмир АНИСИМОВ.
У Торъял, Токтарсола.



Сӱретым чиялте.

Йошкар мӱр

Олыкышто шочалеш
Изи мӱржӱ, пеледеш.
Кечыйолжо ырыкта –
Йошкар мӱржӱ чеверга.
Шыма мардеж легылда,
Тутло пушыжым шара.
Корзингамым мый налам,
Олыкышко ошкылам.
Олык мӱржӱ чеверген,
Тудым мый погаш вашкем.
Аваем дене пырля
Мӱр вареным шолтена.

Катя МАМАЕВА.

Шернур, Шӱдымарий.

Азийыште тӱналыныт. Тунам нужнан илышев-влак ӱстел чес поян койжо манын, кочкышым тыгыдын да моторын пӱчкеденыт. Пакчасаскам моторын пӱчкедымаш эркын-эркын искусствыш савырнен манаш лиеш. Пакчасаска, фрукт гыч пеледышым, тӱрлӱ яныкым пӱчкеден сӱрастарыме тӱрлӱ кочкышым тачысе кечын ятыр озава-тын ӱстембалныже ужаш лиеш. Йоча-влак, карвинг йӱным кучылтын, шольо-шӱжарда-влаклан теве тыгай крокодилым ыштен ончен кертыда.

Е.ИВАНОВА ямдылен.



Аныклена!

Телевизор
ик шагатыште 20
киловатт энергий-
ным пытара, а мик-
роволновый конга 6
киловаттым веле.

Карвинг. Мо тиде тыгай, пален налнада? Тугеже, лудса. Пакчасаскам, фруктым моторын пӱчкедаш икмынар шӱдӱ ий ончыч

Азийыште тӱналыныт.

Тунам нужнан илышев-

влак ӱстел чес поян койжо манын, кочкышым тыгыдын да моторын пӱчкеденыт.

Пакчасаскам моторын пӱчкедымаш эркын-эркын искусствыш савырнен

манаш лиеш. Пакчасаска, фрукт гыч пеледышым,

тӱрлӱ яныкым пӱчкеден сӱрастарыме тӱрлӱ кочкышым

тачысе кечын ятыр озава-тын ӱстембалныже ужаш

лиеш. Йоча-влак, карвинг йӱным кучылтын, шольо-

шӱжарда-влаклан теве тыгай крокодилым ыштен ончен кертыда.



Индекс: Марий Элыште,
Пошкырт ден Татарстан
кундемлаште - П4696.

Тираж 1150 экз. Заказ
Формат – А-4-8.

Директор-тӱг редактор олмеш
Л.Н.ГРИГОРЬЕВА.

E-mail: yamde_lii@mari-el.ru,
yamde_lii@mail.ru

Сайтын адресше: yamde-lii.pro,
Тел. 8(8362) 45-22-82(факс)

УЧРЕДИТЕЛЬ-ВЛАК: Марий
Эл Республикысе культур, печат
да калык-влакын пашашт
шотышто министерстве, «Ямде
лий» газет» кугужаныш уни-
тарный казна предприятий.

Газетым редакцийыште погы-
мо да верстатлыме, «Марий Эл Республикысе Правительствын типо-
графийже» ООО-што ямде оригинал-макет гыч савыктыме. Типо-
графийын адресше: 424000, Йошкар-Ола, Комсомольский урем, 112.

Газетым Массовый коммуникаций
сферыште да культур наследиым
аралымаште законодательством шук-
тен шогымым эскерыше Федеральнй
службын Приволжский федеральный
округысо управленийыштыже регист-
рироватлыме.

Номер – ПИ №ФС 18-1999,
2005 ий 10 февральыште пуымо.


0+

Печатыш пуымо жап – 14-00,
фактически – 13-00


Авторын да редакцийын шонымашышт тӱрлӱ лийын кертыт. Серыш-влак мӱнгеш огыт колталт. Ак – кутырен келшыме почеш.

Редакцийын да издательнын адресше:
424006, Йошкар-Ола, СССР
Вооруженный Вийын
70-ше идалыкше урем, 20 (почтовый)
Эгерӱмбал Амстердам, 1
(фактический).


КОНКУРС!



**Эсмеральда
АЛЕКСАНДРОВА.**
Йошкар-Ола.




**Элеонора
АЛЕКСАНДРОВА.**
Йошкар-Ола.



София ГОРОХОВА.
Советский, Ёшнур.

Ушымеке,
могай кубик лектеш –
ваш ЫШТЫЗА.



Физкультминутко

Виём шочо

Икыт, кокыт – тёршталтем,
Кид совемым пералтем.
Кумыт, нылыт – лап диям,
Капкылем таза, виан.
Визыт, кудыт – ошкылам,
Лие куштылго мылам.
Шым, кандаш –
чарнем жаплан,
Виём шочо модашлан.

Н.Д.ИЛЬИНА.
Волжский, Карай.



Дүмгөрче леке корным ончыкто.

Интернетысе
сүрет-влакым кучылтмо.



Ик шырпым верже дене
вашталтен, чын вашмутым
ыштыза.

Кроссворд

Марлашке кусаре

- 1.Грядка. 2.Укроп.
- 3.Лук. 4.Огурец.
- 5.Картофель. 6.Репа.
- 7.Редька.
- 8.Капуста.
- 9.Помидор.
- 10.Морковь.
- 11.Тыква.



**Соня
ЧЕМЕКОВА.**
Советский,
Ёрша.

Гном-влакын ўмылыштым муза.



1

2

3